



## 434. fundur

Bæjarráð Stykkishólms hélt fund fimmtudaginn 21. febrúar 2008 kl. 17:00 í Ráðhúsinu.

Mætt voru: Gretar D. Pálsson, varaformaður  
Berglind Axelsdóttir  
Elísabet Lára Björgvinsdóttir, varamaður  
Erla Friðriksdóttir, bæjarstjóri  
Guðmundur Andrésson, ritari.

Gretar D. Pálsson setti fund og fól Erlu bæjarstjóra fundarstjórn.

### Fundargerðir nefnda

1. 0802029 - Fundargerð framkvæmdanefndar Ljósmyndasafns Jóhanns Rafnssonar, dags. 13.02.2008 (44. fundur). Fundargerð framlögð og samþykkt.  
Vísað er í bókun frá 408 fundi bæjarráðs 22. júní 2006 þar sem samþykkt var að fela safna- og menningarmálanefnda að gera drög að samþykktum fyrir Ljósmyndasafns Stykkishólms og nefndin leiti umsagnar framkvæmdanefndar um gjöf Jóhanns Rafnssonar. Samþykkt að ítreka þetta við Safna- og menningarmálanefnd.
2. 0802030 - Fundargerð þjónustuhóps aldraðra, dags. 14.02.2008 (50. fundur). Fundargerð framlögð og samþykkt. Bæjarráð tekur undir undrun þjónustuhóps aldraðar á að upplýsingar varðandi breytt ferli vistunarmat hefur ekki borist bæjaryfirvöldum.

### Aðrar fundargerðir

3. 0802042 - Fundargerð safnanefndar Byggðasafns Snæfellinga og Hnappdæla, dags. 30.01.2008. Fundargerð framlögð.

### Erindi til kynningar

4. 0802035 - Bréf Varasjóðs húsnæðismála varðandi sölu- og rekstrarframlög, dags. 14.02.2008.
5. 0802034 - Bréf FSÍÖ varðandi vorfund 19.-21. maí á Hótel Héraði, dags. 14.02.2008.
6. 0802032 - Bréf Menningarráðs Vesturlands, dags. 12.02.2008 varðandi afhendingu styrkja á Vatnasafninu 29.02.2008.



7. 0802038 - Bréf ÍSÍ varðandi Lífshlaupið dags. 13.02.2008 og kynningarbréf um viðburði á vegum ÍSÍ, dags. 14.02.2008.
8. 0802039 - Bréf Heilbrigðiseftirlits Vesturlands varðandi flokkunar- og jarðgerðarstöð, dags. 18.02.2008.

Ofangreind bréf lögð fram.

### **Erindi til afgreiðslu/umsagnir**

9. 0802027 - Bréf Breiðafjarðarfléttunnar um ályktun um samgöngur á svæði Breiðafjarðarfléttunnar, ódags.  
Bæjarráð tekur undir ályktanir Breiðafjarðarfléttunnar og leggur sérstaklega áherslu á mikilvægi þess að rekstrargrundvöllur Breiðafjarðarferjunnar Baldurs sé tryggður. Bætt vegakerfi við Breiðafjörð dregur óverulega úr mikilvægi ferjunnar fyrir samfélögin við Breiðafjörð. Bæjarráð skorar því á Samgönguráðuneytið og Vegagerðina að tryggja framlög til reksturs ferjunnar.
10. 0802041 - Fréttatilkynning Ferðamálasamtaka Snæfellsness um ályktun um samgöngumál, ódags. Framlagt.
11. 0802020 - Bréf frá SSV varðandi tilnefningu á frumkvöðli Vesturlands 2007, dags. 07.02.2008.  
Samþykkt að tilnefna íbúa Stykkishólmsbæjar sem frumkvöðla Vesturlands fyrir frumkvöðlastarf þeirra við flokkun á öllu heimilissorpi.
12. 0802013 - Bréf Vinnueftirlits ríkisins, Vesturlandsumdæmis varðandi öryggistrúnaðarmenn, öryggisverði og öryggisnefndir, dags. 05.02.2008.  
Bæjarráð samþykkir að tilnefna umsjónarmann fasteigna og hafnarvörð sem öryggisverði.
13. 0802026 - Umsóknir um starf umsjónarmanns fasteigna.  
Gretar D. Pálsson víkur af fundi vegna tengsla við umsækjendur um starfið og Erla Friðriksdóttir tekur hans sæti.  
Af umsóknum um starf umsjónarmanns fasteigna telur bæjarráð Berg J. Hjaltalín hæfastan í starfið að teknu tilliti til menntunar og reynslu.  
Samþykkt að ganga til samninga við Berg J. Hjaltalín um starfið.  
Gretar tekur aftur sæti sitt á fundinum.
14. 0802037 - Drög að samningi við Skipavík um úthlutun lóða í Víkurhverfi.  
Drög að samningi lögð fram og vísað til bæjarstjórnar.



## Styrkbeiðnir

15. 0802036 - Bréf Gunnsteins Ólafssonar hljómsveitarstjóra Sinfóníuhljómsveitar unga fólksins, dags. 19.02.2008 varðandi tónleika í Stykkishólmskirkju 9. mars n.k. Bæjarráð sér sér ekki fært að verða við erindinu.

## Tillögur

16. Tillaga Gretars D. Pálssonar um samkomilag við UMFÍ varðandi tómstunda- og íþróttafulltrúa.

Undirritaður leggur til að samkomulagi við UMFÍ varðandi tómstunda- og íþróttafulltrúa verði slitið. Einnig að bæjarráð geri starfslýsingu fyrir tómstunda- og íþróttafulltrúa og að Stykkishólmsbær ráði í 50% stöðugildi tómstunda- og íþróttafulltrúa.

### Greinargerð

Stykkishólmsbær samþykkti samstarf við UMFÍ varðandi starf tómstunda- og íþróttafulltrúa. UMFÍ tók að sér framkvæmd málsins. Dregist hefur úr hömlu af hálfu UMFÍ að ráða í starfið. Því er lagt til að ekki verði beðið lengur eftir forgöngu UMFÍ í málinu. Hugmyndir að starfi tómstunda- og íþróttafulltrúa miðuðu að því að viðkomandi ynni að tómstundastarfi barna, unglunga og aldraðra. Gerði tillögur og samræmdi það sem í boði væri. Aðstoðaði þau félag og einstaklinga sem standa að félagsstarfi og íþróttum ásamt því að standa fyrir mótahaldi. Ráða átti í 100% starf þar sem viðkomandi átti að starfa sem svæðisfulltrúi á Vesturlandi í hálfu starfi á vegum UMFÍ og í þágu Hólmará í hálfu starfi á vegum Stykkishólmsbæjar. Þörfin er fyrir hendi og því engin ástæða til að bíða eftir UMFÍ í þessum efnum.

Gretar D. Pálsson

Berglind Axelsdóttir lagði fram eftirfarandi breytingartillögu.

Undirrituð leggur til að samkomulag við UMFÍ varðandi tómstunda- og íþróttafulltrúa verði slitið. Einnig að bæjarráð greini þörf og hagkvæmni á ráðningu í eftirfarandi störf: tómstunda- og íþróttafulltrúa, öldrunarfulltrúa, atvinnufulltrúa og ferðamálafulltrúa. Bæjarráð komi með tillögu um hvort ráðið verði í eitthvert þessara starfa miðað við þörf og hagkvæmni.

### Greinargerð

Undirrituð telur ekki full kannað í hvað og hvort ráða ber í áður nefnd störf. Kanna ber hvar þörfin er mest, er hægt að steypa einhverjum af störfunum saman, hvar er ávinningurinn og hver er kostnaðurinn?

Berglind Axelsdóttir



Breytingartillagan var felld með tveimur atkvæðum gegn einu.

Tillaga Gretars var síðan samþykkt með tveimur atkvæðum gegn einu.

**17. Tillaga Gretars D. Pálssonar um lóðir til úthlutunar í Víkurhverfi.**

Undirritaður leggur til að auglýstar verði lóðir til úthlutunar í Víkurhverfi við götu suðvestan Borgarbrautar (Kakkelfnsholt) næst golfvelli. Götunni verði áfangaskipt og settir verði skilmálar um lágmarksfjölda lóða sem úthluta þurfi til að í gatnagerð verði farið í hverjum áfanga.

Greinagerð

Nauðsynlegt er að auka valkosti á lóðum, en jafnframt verður að hafa í huga að gatnagerð er mjög kostnaðarsöm og tryggja þarf eins og kostur er að bæjarsjóður þurfi ekki að fjármagna gatnagerð til langs tíma án þess að einhverjar tekjur komi til á móti.

Gretar D. Pálsson

Tillagan samþykkt samhljóða.

**18. Tillaga Elísabetar Björgvinsdóttur að nöfnum á götur í Víkurhverfi.**

Undirrituð leggur til að auglýst verði eftir tillögum íbúa Stykkishólmsbæjar að nöfnum á götur í Víkurhverfi.

Greinargerð

Nú stendur yfir hönnunarvinna að Víkurhverfi og það styttest í að farið verði í framkvæmdir þar. Það er því nauðsynlegt að götuheiti verði tilbúin sem fyrst. Um fjölda gatna og staðsetningu þeirra verður að vísa til deiliskipulagsteikningar sem liggur fyrir á vefsíðu Stykkishólmsbæjar.

Elísabet L. Björgvinsdóttir

Samþykkt samhljóða.

Fundargerðin upplesin og samþykkt.

Fundi slitið kl. 18: 35

Guðmundur Andrésón, ritari.

